



## 跌倒个次數

正學行个細人，跔跔跌，毋管大人仰脣喝仰脣咄，還係春春剷剷，走緊行。跌倒跋跔來，徑著蹶起來，目汁含緊還係走分大人逐。係仰脣个勇氣，分厥等恁泥一遍過一遍跌倒又還企起來？係大人个鼓勵？係本能？抑係一種想愛兩腳踏地个自由望想？就係想，應該做下有。

南非前總統曼德拉先生，有一句已有名个話，佢講：「莫用吾个成功來評價佢，請用佢跌倒又蹶跔來个次數來評價佢。」這句話點出成功个背後，定著因核一般人想像毋出、看毋著个艱難過程。恩等中國人自溜斯講：棺樵斂了，正使得論斷一個人在世間个功同過。一生人，對落泥起勢到入棺樵，有人長有人短。過程中，有春風時、有落喪期，像打上砌面个波浪，激起又墜落來，擎高高咧又拈倒落來。這一起一落同偲个人生，曾毋係相同？這曼德拉先生同一般人無共樣个所在係，佢愛人看厥起落个次數來評價佢，莫單淨欣賞、欽羨該激去半天高个靚靚浪花。偉大人物个想法，總係恁泥同一般人無已共款。

人生在世，免不了有礫礫砣砣个過程，跌倒、拈著、流血起癢，這兜小可个傷疾，係偲人生个燈盞火，用來提醒偲等時時愛斟酌身邊个事物。拔淨壅塵，偲還係愛企起來，斯像學徙步个細人共樣，噉過、疾過還係愛做自家。毋過，人个一生毋單淨這兜小病細疾忒等，還係會有大風大浪、大病大疾个時節。堵著這兜難過个大坎，有已多人會搵在地泥項跋毋起來，甚至心懶意冷，一生人愕愕琢琢斯過撇。係仰脣樣个人，使得恁泥一擺過一擺，毋驚跌去血流血汀、拈去癢腫骨斷，哈哈一笑還係蹶起來？厥个勇氣、毅力定著超過一般人，因致厥个成就也係遠遠超過普通人。

客人个「硬頸」，原旦係個性方面个負面講法，愛講一個人執性、硬聾，毋好溝通，斯係硬頸。毋過今這下，一般人若係愛阿腦人刻苦耐勞、勤儉煞猛，使得為著理想堅持打拚，斯講佢有客人个硬頸精神。一般社會人士个講法，分偲客人聽著，應該偷暢，客人个認分打拚，係公認个，各行各業裡肚，國內、國外有成就个，已多都係客人个子弟。「硬頸」，不管佢代表个意思係好係壞，總係硬性，總係面對難關个挑戰。在這新个一年開始，偲也來「硬頸」一下，不管往年過來仰脣，跌倒幾多到，壅塵拔拔咧，空口掌掌咧，今年還係掌握在偲等个手項。

作者：劉玉蕉

### ☆詞彙學習☆

- 【跔跔跌】bo` bo` died`：此處指不斷的摔跤。【拈倒落來】mag` do` log` loi`：重摔而下。  
 【春春剷剷】zhung+ zhung+ can` can`：不看路，橫衝直撞。【礫礫砣砣】lid` lid` kid` kid`：指坎坷、不順遂。  
 【徑著】gang` do`：絆到。【拔】bad`：拍打。  
 【斂棺樵】giem` guan+ ciau`：蓋棺。【徙步】sai` pu`：移動腳步。  
 【春風時】chun+ fung+ shi`：得意的時候。【愕愕琢琢】ngog` ngog` dog` dog`：渾渾噩噩。  
 【落喪】log` song`：失意倒楣。【硬聾】ngang` guag`：硬邦邦。指人不知變通。